




A30. Danmarkimi højskolerneq

A30.2 Højskolernissamut qinnuteqaatit

Allaaserinera

- Najukkami aqutissiuussisoq qinnuteqartumut allakkiussaaq inaarutaasumik aalajangerneq pillugu.
- Højskolernissamat akuerisaasanut ataatsimeeqqinnissamat aggersaassutunik allakkanik nassiuussisoqassaaq. Allakkanut ilanngullugit nassiuuneqassapput højskolit assigiingitsut pillugit quppersakkat. Ataatsimiinissamilu qinnuteqartup aamma isummerfigereersimassavai:
 - Højskolerfuniartuq.
 - Danmarkimi ilaquaritiit attaveqaataasussat.
 - Højskolereeruit sussamaarpit? (tamanna ataatsimiinnermi IT-REG-imiittumut iliuusissanut pilersaarummut allanneqassaaq)
 - Aningaasanut tunngasuni pilersaarutit.
- 2.a. Naatsorsuiffissiaq regneark qorsuk atoruk, takuuk "2014 aningaasanut naatsorsuinerit Pia-reersarfii – Danmarkimi højskolernermit". (<http://pia-reersarfik.gl/k1-GL/Om-Pia-reersarfik/Højskole/Procedure>)
- Ilinniartuq ataatsimiinnermi najuuppat højskolip pineqartup quppersagaatigut peqataaniarluni nalunaarnermut immersugassaq atorlugu nalunaartoqassaaq. Iliuussatullu pilersaarummi pissutsit ilannguttariaqartut nalunaarsorneqassalutik.
- 3.a. Aqutissiuussisup IT-REG-imi killiffimmut nalunaarsuiffimmi qinnuteqartoqarsimasooq nalunaassavaa. Ilinniartup nammineq højskolernarnerminut angerlarsimaffimmiinuit internet-ik-kut nalunaarnissaq isumaginiarpagu, tamanna ilinniartup Majorissamat uppernarsassavaa, tamanna IT-REG-imi nalunaarsuiffissamat nalunaarneqarsinnaqqullugu.
- Højskolip qinnuteqaat tiguvaa.
- Højskolip nalunaarneq tiguisimallugu uppernarsaat ilinniartumut toqqaannartumik nassiuussavaa.
- Højskolip qinnuteqarneq nalilersussavaa, kingor-nagullu aalajangerneq, ilinniartunngormiartup tiguneqarnera imaluunniit itigartinneqarnera nalunaarutigissallugu.
- Ilinniartup tiguneqarnermut imaluunniit itigartinneqarnermut nalunaarut tiguvaa.
- Ilinniartup tiguneqarnerminut/itigartinneqarnerminut nalunaarutit kopia aqutissiuussisumut nassiuussavaa.
- 8.a. Aqutissiuussisup IT-REG-imi ilinniartup højskolimi tiguneqarnera allassavaa.
9. Aqutissiuussisup e-mailikkut højskolimut nalunaarutigissavaa ilinniartumut akiliutissaaq Majorissap isumagiusassavaa.
- Aqutissiuussisup akiliisimanerumut uppernarsaatit kopia ilinniartumut nassiuussavaa, ilanngullugu nalunaassallugu ilinniartup paasissutissat højskolimut tunniutassat: Aallartiffissaaq/taamaatiffissaaq, ilaquaritiit attaveqaataasussat ilisimatinneqarsimanerat qularnaassallugu, pas isumagissallugu, NEM-ID, nakorsamit aamma kigutit nakorsaanit misissorneqarsimasooq qularnaassallugu, aningaaserivik aamma aningaasanik tiguisissutit.
- 10.a. Højskolimut allakkiap kopia.
- Højskole aqutissiuussisumit e-mailikkut ilisimatinneqassaaq akiliineq pillugu, akiliinneqartup CPR-normua aamma atia ilanngullugit.
- Ilinniartuq højskolimut allassaaq paasissutissallu imm. 10 naapertorlugu piniarlugit.
- Højskolip nalunaarut ulloq aallartiffissaaq/naam-massiffissaaq pillugu allakkat tigussavai.
- Ilinniartup paasissutissat ulloq aallartiffissaaq aamma naammassiffissaaq pillugu ilisimatitissutit højskolimiit tigussavai.
- Ilinniartuq aallartinnissaq/naammassinnissaq pillugu paasissutissanik aqutissiuussisumut nassiuussavaa. Iliuussissanut pilersaarusiap naam-massinneqarsinnissaq pillugu ataatsimiinissamik isumaqatigiissuteqartoqassaaq.
- 15.a. Aqutissiuussisup højskolernerup aallartiffissaaq naammassiffissaalu IT-REG-imut allassavaa.
- Højskolernerup aallartiffissaaq/naammassiffissaaq nalunaarneqareerpat iliuusissanut pilersaarusiap printerneqassaaq atsiorneqarlunilu.
- 16.a. Iliuussissanut pilersaarut ilinniartumut atsiu-gaq scannerneqassaaq IT-REG-imullu ilineqarluni.
- Iliuussissanut pilersaarut atsiorneqassaaq.
- Aqutissiuussisooq iliuusissat pilersaarummi atsiukkamik (ilinniartumit) pissaaq.
- 18.a. Kopia scannigaq højskolimut nassiuuneqassaaq.
- 18.b. Kopia scannigaq Danmarkimi Kalaallit Illuutaannut nassiuuneqassaaq.
- Aqutissiuussisooq ilinniartup bilitsissaanik inni-

- minniiarluni allakkiussaaq. Saaffiginnitarfimmil/aningaasanut tunngasumik suliallip bilitsimik inniminniissamat piuma-saaqat tigussavaa.
- Saaffiginnitarfimmil/aningaasanut tunngasumik suliallip bilitsi angalatitsivimmumt inniminnissa-va il.il.
- Saaffiginnitarfimmil bilitsi tiguneqassaaq.
- Saaffiginnitarfimmil sulisup/aningaasanut tunngasumik sulisup bilitsi aqutissiuussisumut ingerlatseqassavaa. IT-REG-imi nalunaarneqas-saaq bilitsimik inniminniisoqartoq. Angalanissa-nut pilersaarut IT-REG-imut toqqroneqassaaq.
- Aqutissiuussisooq ilisimatitsiviusussamat ataatsi-minnissamat aggersaassaaq, piffissamat naaper-tuuttumut.
- Ilisimatitseqatigiiffiusumik ataatsimiittoqassaaq, qularnaarneqassaarlu bilitsip tunniunneqarnis-saa, kiisalu ilinniartup angalanissarsuarmut piareersarsimanissaa. Pingaarteqarpoq – Ilinni-artup eqqaamassammagu angalaneq aallartippat højskolimut ilisimatitsiviusuqarnissani.





Suliat ingerlanneqartarneranni pissutsit allat

Suleriaatsimi ilisarnaatit	Danmarkimi højskolerneq
Siunertat suut suleriaatsip anguniarpai?	Siunertaavoq qularnaarniarneqarmat innuttaasup højskolernissaminut periarfissaqarnissaa.
Malittarisassat/inatsisit/ilitsersuutit/sulias-sanut suleriaatsimiittunik aqutsisut	<ul style="list-style-type: none"> • Ilinniagaqarnerisuiitut pillugit nalunaarut nr. 5, 27. marts 2015-imeersoq – tapiissutisinissamut ilaannakuusumik periarfissat. MALUGIUK: Inatsimmi uani angalanernut malittarisassat højskolinut tunngasumik atortuunngillat. • Majorissani qitiusumik ingerlatsiviit suliarninnik ingerlatsinerat pillugu nalunaarut nr. 17, 16. oktober 2007-imeersoq. • Inatsisartut inatsisaat nr. 28 ulloq 9. december 2015 suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit. <ul style="list-style-type: none"> • MALUGIUK: Nittartagaq nutaaq sularineqarsimasinnaamat. Taamaassappat takuuk: majoriaq.gl
Sulisorisanut suliassanik pineqartunik suliaqartussanut piginnaasatigut piumasagaatit	Aqqutissiuussisoq VGU-qassaaq, pikkorissarsimassallunilu ingerlaqqittumik ilitsersuisarnermut.
Nal. akunneri suliassat ingerlanneqarneranni atorineqartussat – ajornanngippat sulianut ataasiakkaanut agguakkamik	Uuttortarneqanngillat.
Suliassat qanoq akulikitsigisumik sularineqartarnerat	Uuttortarneqanngillat.
Aaqqissuussaanikkut immikkoortortat suleriaatsini akuusut, suliassaat akisussaaffiilu ilanngullugit nalunaarsorlugit	Najukkami Majoriaq: Aqqutissiuussisut. Majorissami ataqatigiissaarisoq (kommunimi). Højskolit. Danmarkimi Kalaallit Illuutaat. Saaffiginnittarfik/aningaasanut tunngasunik suliaqartoq.
IT-mik atortorissaaruteqarneq	IT-REG, Excelimik aamma Outlookimik ilisimasaqarneq.
Kikkut suleriaatsinik atuisuuppat?	Qinnuteqartoq, højskolit, Danmarkimi Kalaallit Illuutaat.
Suleriaatsinut tunngatillugu atuisut pisari-aqartitaat ilimasuutaallu qanoq ittuuppat?	Qinnuteqartup ilinniakkamik naammassillugu ingerlatsinissaminut periarfissarinnerulernissaa. Højskolit naatsorsuutigaa Majorissat qinnuteqartut immikkoortiterlugit inissititereersimassagaat højskolit piumasagaataanut naapertuuttumik.
Suliassat pitsaassusissaannut uuttuutit suleriaatsini – pioreersut periarfissalluunniit	Qinnuteqartup højskolernerminik naammassinnilluni ingerlatsinissaa, aammalu qinnuteqartup, højskolip aqqutissiuussisullu akornanni qanoq ilimasuuteqartoqarnera isumaqatigiissutaassaaq.
Suleriaatsini ilisarnaatit allat	Qinnuteqartoq ima nammineersinnaatigisariaqarpoq ingerlatassat ilaasa qinnuteqartumit namminermit sularineqarsinnaassallutik.
Suleriaatsit ingerlanneqarneranni ajornartorsiutaasinnaasut maluginiagassat.	Qinnuteqartut amerlassusiannut sanilliullugu aningaasaliissutit killeqarnerat.
Suleriaatsinik ineriartortitsinissamut periarfissat	IT-REG-imi allakkat atorineqartussat assigiissaarneqarnissaat. Højskolimut nalunaarutissaq, ilinniartumut allagassat suliarnik aqqitassat naammassiniarnerannut tunngatillugu.